



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum aliquis intellectus creatus poſſit Deum videre per essentiam. art. 1.
disp. 1.

[urn:nbn:de:hbz:466:1-73915](#)

Ad tertium.
Motus omnis
Angeli secundum locum,
si ab ipso motus
angelo efficiatur, natu
ralis est ver
sus quamcumque partem
fiat.

*Ad primam
confirmationem.*

*Ad secundam
confirmationem.*

Ad quartum.

Ad quintum.
Appetitus pro propensi
one ad ultimum finem
in particula, minus
necessarius, in rebus ar
bitrio prædicti, quādū in
aliud.

Quare sat fuit confirme illis appetitum ad ve
rum & bonum in commune, ut cognoscere & ac
quirere possent suum finem naturalem. Comparati
o finis supernaturalis, sat fuit etiam con
ferre illis eundem appetitum ad verum & bonum
in commune, & supplerere per lumen fidei id, quod
debeat, facultati intellectus ad inuestigandum tan
tum bonum: per gratiam verò ad cetera dona sup
plere, id quo carebat, opus tamen habebat facul
tas.

Ad tertium negandum est etiam antecedens. Ut
epim explicatum est, substantia Angeli ad existen
tiā in quocumque loco, atque ad motum ad
quemcumque locum inclinat, ut potentia passiva
est, secundariò tamen. Omnis autem motus Ange
li, qui fit à propria virtute motrice est naturalis in
quamcumque partem fiat, vt de motu animali, quā
talis est, explicavimus cum Aristotele 8. Physicor.
cap. 4. Si vero fiat ab externo principio, vt ab alte
ro Angelo impellente, tunc si Angelus, qui ita mo
uetur, refusat, erit violentus: si vero neque refusat,
neque ad illum quicquam agat, erit præter naturā.

Hic ita constitutus ad primam confirmationem
Scoti, neganda in primis est maior: neque enim da
tur potētia neutra, neque violenta, vt ex dictis pat
ter. Præterea ad actus supernaturaliter datur potē
tia obedientialis, quam tamen Scotus non con
numeravit. Deinde ad minorem dicendum est, poten
tiam ad beatitudinem esse obedientialem: beatitu
dinem verò esse illi maximè consenteantem, eò q
uod emittenter contineat actus, ad quos eadem potē
tia, non ut obedientialis, sed ut naturalis, inclinat,
vt explicatum est. Vnde ad illam, dum adest, affici
tur, nō velut ad id, ad quod suapte natura inclinat,
sed vt per eam tanquam per eminentiorem quādam
perfectionē longè melius satiat, quādū satiat. Cur
tota latitudine actū, ad quos naturaliter inclinat.

Ad secundam dicendum est, id est Augustinum
dixisse, posse habere fidem, & posse habere carita
tem esse natura hominum, quod homo suapte natura
capax sit fidei & caritatis: non verò, quod ha
beat appetitum qui ad hanc inclinet, & maximè ad
fidem in particula, quæ cognitio est obscura &
imperfecta. Atque eodem modo, posse habere beatitu
dinem supernaturalē: natura est hominū, qua
tenus ex sua natura sunt capaces illius: non verò
quod ad illam habeant propensionem naturalem.

Ad quartum neganda est minor: dicit enim so
lam capacitatē sine inclinatione ad videndum
Deum, cum inclinatione tamen ad verum, & ad
bonum in commune. Neque vniuersim verum est,
simile appetere sibi simile: neque enim una mate
ria appetit aliam, neque unū candidum aliud can
didum, aut imago Cæsaris ipsum Cæarem.

Ad quintum neganda est maior, si intelligatur,
quod unaquæque res feratur in aliquem unum fi
nem naturalem per inclinationem, quæ primò ad
eum sit: id enim in response ad secundū ostend
sum est esse falsum. Quo loco animaduertere, in sub
stantiā intellectu ac libero arbitrio prædictis mi
nus necessariam fuisse determinationem per appesi
tum ad suos fines in particula, quādū in ceteris
rebus. Cum enim iudicio polleant, inuestigare pos
sunt inter omnia bona, ad quæ inclinātur, quæque
suis virtibus comparare valent, quod sit supremū,
ac proinde inuenire possunt suum ultimum finem
naturalē: & cum polleant libero arbitrio, mouere
se ipsa possunt per facultatem liberi arbitrij ad
illius affectionem, retinendo ea quæ id possunt
impedire, quod tamen alii rebus ratione & iudi
cio minime prædictis denegatum est.

A tas voluntatis ad illud promerendum ac assequen
dum, ut re ipsa factum esse certum est.

Ad confirmationem dicendum, hunc esse sen
sum verborum Augustini. Fecisti nos Domine ad te,
id est, capaces tui, arque ut te ipsum nobis dona
res: & inquietum est cor nostrum donec requiescat in te:
quoniam appetitus naturalis ad verum, ad bo
num, quo tui capaces sumus, & per quem, ut per
potentiam tui caparem, te ipsum nobis dona
potes, nunquam plenè satiabitur, donec in te re
quiescat, in quo vnitè est tota latitudo veri ac bo
ni quod naturaliter desiderare potest.

B Dubium est hoc loco, quid de hac re senferit D.
Thomas. Sotus putat eum existimasse dari appeti
tum pro inclinatione sine actu elicito ad beatitu
dinem in particula, quod colligit ex hoc loco. Sed certè hic non loquitur de desiderio pro prop
ensione sine actu elicito, sed pro actu elicito vo
luntatis loquitur enim de eo desiderio cognosci
di causam, quod sequitur cognitionem effectus,
cuius est causa: desiderium verò pro propensione
sine actu elicito, est ante omnem cognitionem. Idem colligit ex prologo D. Thomae super primum
Sententiarum, vbi ait: *Vnumquaque suauiter est dis
positum, quando collocatur in suo fine, quem naturaliter
desiderat: hoc vero collocatum est nobis per Christum,* qui nos in gloriam paternam hereditatis induxit. Sed
dici potest, solum innuere eo loco in nobis esse
desiderium naturale beatitudinis pro actu elicito
voluntatis, in eo sensu in quo hoc loco dixit, esse
in nobis naturale desiderium videndi Deum. Caie
tanus verò & Ferrariensis censem, D. Thomam
existimasse non dari appetitum pro inclinatione
sine actu elicito ad beatitudinem in particula, vari
aque loca Diuī Thome in utramque partem
possent citari, sed de his satis.

ARTICULUS II.

*Vtrum essentia Diuina ab intellectu creata pos
aliquam similitudinem videatur.*

DISPUTATIO I.

Ro explicatione huius articuli præmit
tendum est, beatos non videre diuinam
essentiam per visionem increatam, qua
Deus seipsum videt, ut voluerunt Iohannes à Ripa,
& quidam alii, sed per visionem creatam in ipsis de
novo productam, ut ostendimus 1.2. q.3. artic. x.

Præmittendum est deinde, ut latius diximus ad
finem 3. libri de Anima q.3. quemadmodum cal
facere non est aliud, quādū producere calorem: &
albefacere, non est aliud, quādū producere albedi
nem: ita cognoscere, non est aliud, quādū poten
tiam cognoscentem vitaliter, hoc est, per actionē, rei
qua efficienter per eam ab anima, quæ principium
est vita, emanet, exprimere, in seipso imaginem rei
cognoscendæ: cognitio namque operativa est vita
lis, quam proinde necesse est efficienter emanate à
viente per potentiam cognoscentem. Imago au
tem, quæ per cognitionem exprimitur, appellari
solet, tum notitia, tum etiam species expressa, ad
differentiam alterius quæ non exprimitur à poten
tia cognoscente, sed ei imprimatur à re aliqua ex
terna, nempe aut ab auctore naturæ, quo pacto
Deus, dum Angelos condidit, eis indidit species
omnium rerum, aut à re obiecta, quo pacto, can
dor species, ac similitudinē sui, in facultatē viden
di immittit solerat: aut denique ab alia notitia, quo
pacto

*Cognoscere
creatū, &
exprimere
vitaliter in
imaginē rei,
qua cognosc
tur.*

*Species alia
impressa, a
lia expressa.*

pacto à phantasmat & intellectu agente producitur, atque imprimatur intellectui possibili species, qua informatus postea in seipso notitiam rei cognoscere exprimit. Notitia autem, quā intellectus cognoscendo exprimit in seipso, appellatur etiam peculiariter nomine, *verbum*. Rationem verē, quare hac sola inter omnes notitias verbum encupetur, inferius quī dū dum erit de Verbo disput redemus.

*Cognitionem
trivit esse,
et per illam
exprimere
possibiliti
contradic
si implicat.
Cognoscere
semper
per quid di
camur.*

Ex dictis facile intelligere, sicut implicat contradictionem esse calefactionem, quin per eam pruducatur calor, & quod calefactionem, non aliud sit, quam productio caloris: ita contradictionem implicare, dari cognitionem, quin per eam exprimiratur notitia & imago rei cognoscendæ: quippe cognitio non aliud sit, quam actio vitalis, qua exprimirut imago eius rei: quia cognoscitur. Quando ergo homo rem aliquam cognoscit, utique per actionem vitalis, qua eius rei imaginem & notitiam in seipso exprimit, dicitur cognoscere tamquam per actum cognoscendi: per notitiam verē ipsam & imaginem expressam tamquam per terminum actionis, sine qua profecto imagine non minus inuoluti contradictionem hominem aliquid cognoscere, quam actionem fine termino in rerum natura existere.

Quia tamen potentia cognoscens non potest sola exprimere in seipso imagines rerum, quæ cognoscendæ sunt: tum quod de se indifferens sit ad exprimendum imaginem huius, aut illius rei, etiam quod non habeat in se, unde rebus ipsius similitus sit, ac proinde unde imagines ecarum sola possit producere, inde est, quod aliquo alio opus habeat, a quo determinetur, ut exprimat potius imaginem huius rei cognoscendæ, quam alterius, quodque tamquam pars causæ, in modo tamquam causa particularis efficienter concurrat cum ipsa potentia, veluti cu[m] causa universalis, & indifferenti ad talium imaginum productionem: hoc autem vel est ipsam res obiecta, vel image aliqua, & species illius. Quoniam vero vt plurimum non potest esse res ipsa obiecta, & quod vel non habeat debitam proportionem comparatione potentiae, vel sapere distet à potentia, quā percipi debet agens verē, quod non mediata alio operatur, debet esse coniunctum passo, fit vt plurimum, ut sit species aliqua, & similitudo obiecti impressa potentiae, vel ab ipsa re obiecta, vel ab aliquo alio agente. Species ergo concurrat cum potentia tamquam causa particularis supplens vicem rei obiectæ, & determinans potentiam ad productionem notitiae huius obiecti potius, quam alterius.

Necessitas ergo ponendi speciem impressam ad cognoscendum, est, quoniam potentia sola non potest exprimere in seipso imaginem ad rem obiectam percipiendam, nisi determinetur per concursum, & influxum speciei impressæ. Necessitas vero ponendi speciem expressam præter impressam est, quoniam cognoscere nihil aliud est, quam potentiam cognoscentem exprimere in se ipso vitaliter imaginem rei cognoscendæ: species autem impressa non producitur vitaliter ab ipsa potentia, sed semper, ab externo aliquo agente immissa, ab ea recipitur.

*Species im
pressæ nece
ssaria non est
potest obie
ctu[m] propon
itur, & cu[m]
tenuis & cu[m]
tenuis.*

Dixi paulo ante, vt plurimum rem obiectam non posse per se ipsum concurrere cu[m] potentia ad exprimendam notitiam sui, quoniam aliquando id potest, nempe quando inter obiectum & potentias cernitur apta proportio quoad esse spirituale cum debita virtusque coniunctione. Quo quidem posito superuanea erit tunc species impressa: eo quod in eo cœtu[m] melius per se ipsum concurrat cum potentia ad exprimendam notitiam sui, quam per speciem impressam. Quare in Angelo, cuius substantia

Molina in D. Thom.

A cum intellectu perpetuam coniunctionem habet, & debitam quoad esse spirituale proportionem, non constitutus speciem ut propriam substantiam percipere possit. Ad intelligendas vero substantias aliorum Angelorum, maximè: eo quod illæ sapere distent secundum locum ab Angelo, qui eas debet cognoscere.

Vltimum notandum est duobus modis dici aliquid similitudinem alterius rei. Vno, quia ipsam representat, quo pacto imago dicitur similitudo eius, cuius est imago. Alio vero modo, quia est participatio quædā illius, illamq[ue] imitatur, quo pacto omnis effetus, quatenus quedam participatio est sua causa, dicitur aliquo modo similitudo participata illius.

B His ita constitutis, D. Thomas in corpore articuli præmit, ad visionem tam per sensum, quam per intellectum, duo esse necessaria. Virtutem videlicet, videndi, & visionem rei videndæ sive per se ipsam, sive per suam imaginem & similitudinem cum potentia ac facultate videndi. Hoc autem secundum ex iis, quæ præmissimus, est manifestum.

Deinde statuit duas conclusiones. Prima est. Q[uod] ad primum attinet, nempe ad virtutem & facultatem videndi, necessaria est aliqua Dei similitudo ad diuinam essentiam conspiciendam. Probatur, quoniam vis ipsa videndi, sive sit sola vis naturalis intellectus, sive cum ea lumen etiam aliquod supernaturale additum, ut lumen gloriae, est effectus quidam Dei, qui est primum intelligens: cum ergo omnis effectus sit participata quædam similitudine sua causa: sit, ut quatenus ad videndam diuinam essentiam necessaria est vis intellectua, requiratur quæda similitudo participata Dei. Vnde & vis intellectua rei creatæ lumen quoddam intelligibile dicitur, quasi a prima luce deriuatum, sit serino de sola vi naturali, sive de aliqua supernaturali superaddita. Vtrum vero ad videndam diuinam essentiam requiratur, præter vim naturalem intellectus, lumen gloriae, disputabitur art. 5. in hoc enim articulo principia quæstio est de secundo, quod ad visionem diuinæ essentiae est necessarium.

C Secunda conclusio. Q[uod] ad secundum attinet, nempe ad visionem rei videndæ cum potentia ac facultate videndi, per nullam similitudinem speciemque creatam videtur, aut videri potest essentia diuina, sed per se ipsam concurrentem cum intellectu videntis instar speciei intelligibilis. Hanc probat primò, quia vt Dionysius ait, cap. 1. de diuinis nominibus, *superiora nullo modo possunt cognosci per similitudines rerum inferiorum ordinis*, ut per speciem corporis non potest cognosci essentia rei corporea natura parentis: ergo multò minus per speciem creatam poterit videri essentia diuina.

Eam probat secundò, quia essentia diuina est sive sub-sistens: ergo nulla species creata potest ita representare diuinam essentiam, ut per eam conspiciri possit.

Tertio, quia essentia diuina est res quædam omnino incircumscripta, continens in se supereminenter quicquid significari aut intelligi potest ab intellectu creato: sed omnis forma creata est determinata secundum rationem sapientiæ, virtutis, aut esse, aut secundum quamvis aliam rationem, quam in se habuerit: ergo nulla species creata representare potest diuinam essentiam.

Contra hanc tamen conclusionem, & probatorias D. Thomæ, huiusmodi argumentum proponi potest. Beati diuinam essentiam intuentes formant verbum, exprimitaque in se ipsis imaginem diuinæ essentie, qua eam intuentur: quippe cum cognoscere non aliud sit, quam potentiam cognoscendam vitaliter exprimere in se ipso imaginem rei co-

gnoscendæ.

Secondo.

Tertio.

Argumentum
contra secundam
conclusionem.

gnoscendæ: ergo esse potest imago, salter, expressa, repræsentans diuinam essentiam: & cùm non videatur esse maior ratio de imagine & specie expressa, quām de impressa, esse etiam poterit, diuina taliter potentia, species impressa diuinam essentiam repræsentans, qua eam beati intueri valeant.

Caietani
sententia.

Caietanus hoc loco credens ex sententiâ D. Thomæ nullam omnino imaginem, & similitudinem creaturæ esse posse, qua diuinam essentiam talem, qualis ipsa secundum se est, clarè repræsentet (de tali enim representatione intelligendum est D. Thomæ) con sequenter dicit, beatos visione beatifica nullum formare verbum, neque villam in se ipsius exprimere, aut habere imaginem Dei. Ait enim verbum ideò ponit tamquam terminum intellectus, ut reddat rem obiectam præsentem in esse obiectum, ut in eo ab intellectu percipi possit, cùm ea absens, aut distans est: quare cùm essentia diuina satis coniuncta sit intellectui beati, non opus est verbo, ut videatur, sed ipsa per se ipsam immediatè terminat actum visionis: sicut per se ipsam sine alia specie concurrit efficienter ad actum visionis. Ex codem fundamento inferius q. 27. art. 1. arbitratur, Angelos, dum scipios intelligunt, non formare verbum, sed essentiam ipsum per se ipsam sine verbo terminare immediatè actum intelligendi, eò quod coniuncta sit intellectu.

Multorum
sententia.

Torres de Trinitate qu. 27. articul. 1. dubio 4. defendit ut probabilius beatos vidento diuinam essentiam formare verbum, & idem affiruerat dubio 3. de Angelis, cùm scipios intuentur. Capreolum in 4.d. 49. qu. 5. ad 1. Aureoli, & in 1.d. 27. qu. 2. ait, *vtramque posse defendi, magis tamen inclinat in eam partem, ut creder eos formare verbum, atque hanc dicit videri opinionem D. Thomæ. Ferrariensis etiam 1. contra gentes c. 53. vtramque partem defendit. Capreolum atque Ferrariensem sequitur Silvester in Conflato, q. 12. artic. 2. Sotus verò in 4.d. 49. q. 2. art. 3. ait visionem ipsam esse imaginem & similitudinem diuinæ essentiae, reprehēdente Capreolum, quod in quarto loco citato id. Aureolo neget. Et quidem si Sotus loquatur de visione ratione termini, hoc est, imaginis & verbi per visionem producēti, mirum est quod reprehendat Capreolum, qui ibidem aperitè fateretur ratione termini & verbi per visionem producēti non esse negandum dari imaginem diuinæ essentiae. Si verò loquatur de visione, ut est productio verbi, & quid à verbo distinctum tamquam actio à suo termino, mirum est, quod in doctrina D. Thomæ, & in vera Philosophia, prater verbum & speciem impressam, ponat tertiam imaginem obiecti, que sit intellectio ipsa, atque actio, qua producitur verbum.*

Hi omnes autores in hoc conueniunt, ut dicant, D. Thomam hoc loco tantum affiruisse ac probare voluisse, esse non posse speciem impressam diuinæ essentiae, qua principium efficiens sit visionis beatifica: non verò voluisse affirere, nec probare, esse non posse speciem expressam, qua sit vel verbum, vel visio ipsa. Atque magnus tunc illis labor est rationem reddere, quare potius esse nequeat species impressa, quam expressa.

Bartholomei
Torres ac
Sotus sententia.

Torres hanc rationem reddit, quia si daretur species impressa, illa posset efficienter cōcurrere ad productionem visionis diuinæ essentiae, ac proinde tamquam causa efficiens hominem beatum redderet: quod tamen non est admittendum. Ex eo autem, quod ponamus speciem expressam, atque notisiam seu verbum à Deo productum, non sequitur à re creatœ faci quamquam beatum, ut à causa efficiēte,

A sed tamquam à causa formalis dumtaxat, terminōve actionis, qui est ipsam beatitudine formaliter inhabens anima, quod quidem nullum est omnino incommodum. Adhuc verò huiusmodi exemplum, quia quemadmodum esse nequit res creata, quæ suæ nature efficienter concurrat ad productionem gratia, at nihilominus gratia ipsa, qua est quid creatum, formaliter efficit animam gratam Deo: ita esse nequit res creata, quæ, ut causa efficiens, producat visionem beatificam, efficienterque beatum faciat, ut faceret species impressa diuinæ essentiae, si est posset: poterit tamen esse res creata, qua sit, aut beatitudo ipsa formalis animæ inhærens, aut terminus ipsius beatitudinis, nempe verbum, & species expressa producita per visionem beatificam. Eandem rationem reddit Sotus, additique, speciem impressam se habere ex parte rei obiectæ, & suppleri vicem ipsius visionem verò non item, sed esse ipsammet apprehensionem rei obiectæ: quare cùm species magis materialis non possit supplere vicem rei obiectæ minus materialis, sit, ut cùm nulla species creata possit esse æquæ immaterialis ac Deus, eò quod omnis habeat esse receptum, nulla species impressa esse possit.

C Sit tamen prima conclusio. Beati intuentes diuinæ essentiam verbum formant, atque imaginem diuinæ essentiae, qua tamen inadæquatè (hoc est, non quantum in se præsentari valeret) eam repræsentant. Prior pars satis, meo iudicio, probatur argumento illo proposito contra conclusionem D. Thomæ: quod huic fundamento nittitur. Quia cognoscere nihil aliud est, quām exprimere vitaliter imaginem rei cognoscenda. Neque placet quod Caietanus ait, videlicet tunc solum produci verbum, quando obiectum cognoscendum non est præsens & coniunctum cum potentia cognoscēt: non, inquam, placet primò, quoniam Pater aeternus intuendo se ipsum producit naturaliter Verbum, & tamen nihil potest esse coniunctius, quām sit Pater cum suo intellectu. Quod si reliqua duæ personæ Verbum non producent, id ex eo est, quia non habent viam producendi ad intra per intellectum, quam haber Pater, & idcirco cognoscendo essentialiter nihil producent à se ipsis distinctum: ad rationem autem verbi atque imaginis requiritur, ut sit distinctus ab ea, cuius est verbum atque imago, eaque de causa nihil essentiale, proper identitatem cum tribus personis diuinis atque cum Deo ipso cognoscēt, fortiori potest rationem verbi. Cognitio ergo essentialis ex eo solum non habet rationem verbi atque imaginis essentiae diuinæ, quod non sit ab ea distinctus: quod si esset distincta, propriissimum proculdubio rationem verbi atque imaginis expressæ haberet.

E Secundò, quia quatuor res aliqua obiecta intelliguntur, verò dicitur concipi: ergo conceptu aliquo: conceptus autem mentis est verbum: ergo per omnem intellectuē productum verbum mentis.

F Tertiò, quia visio diuinæ essentiae nō est qualitas de predicamento qualitatis, sed actio per quam producitur qualitas: nulla autem alia qualitas producitur per visionem diuinæ essentiae, quām verbum & imago rei quæ videtur: ergo beati vidēdo diuinam essentiam formant verbum. Consequentia est manifesta: maior probatur, quia cū nulla qualitas incipiat esse nisi per actionem à se distinctam, qua vel producitur vel comproducitur ad productionem alterius, si visio diuinæ essentiae esset qualitas, daretur actio prior qua produceretur, quā tamen nemo poterit indicare: est igitur actio, atque adeò productio alicuius rei: quippe cū omnis actio productio quædam

Prima cen clusio.
Beati verbū
diuinæ essentiae
formant,
sunt & in
adæquatè
eam repre sentant.

quædam sit, & omnis productio aliquis rei sit productio: cum ergo non sit indicare atque ostendere quid aliud per visionem diuinæ essentiae producatur, quæam qualitas, sit, ut visio diuinæ essentiae sit actio, qua aliqua qualitas producatur, atque hæc erat maior probanda. Minor vero probatur: tum quia non erit ostendere, quæ alia qualitas per eam efficiatur: ut etiam quia, quando res obiecta non est præsens ac coniuncta, producitur verbum per visionem, ut Caeteranus concedit: ergo quando est coniuncta, si producitur aliqua qualitas, producitur etiam verbum.

Quarto, quoniam, si quando res obiecta est præsens & coniuncta, non gigneretur verbum, & profectò neque etiam quando est præsens & coniuncta species impressa obiecti producetur, ac proinde numquam producetur: quod non est dicendum. Sequelam probo, quoniam in specie impressa, tamquam in imagine rei obiectæ sibi quantum sat is est coniuncta, posset intellectus per suum actum concipere rem obiectam, non producendo de nouo aliam imaginem, quandoquidem ex Caetani sententia, ad intelligendum necessarium non est exprimere speciem, sed attingere obiectum, vel in se ipso, vel in sua imagine. Nec satisfacit, si quis dixerit, speciem impressam efficienter concurre ad actum intelligendi, id est quod non posset ita attingi per actum, ut in ea percipiatur obiectum cuius est species. Nō inquam, satisfacit, quoniam obiectum ipsum, quando est coniunctum, concurrit efficiens loco speciei intelligibilis ad producendum actum, quo intelligitur, & tamen ex Caetani sententia immediatè eodem actu attingitur.

Quinto, quando res obiecta, quæ videtur, est distans, visio intellectus producitur verbum tamquam suum proprium terminum: sed implicat contradictionem esse actionem sine suo termino: ergo quando res obiecta fuerit coniuncta, producetur etiam verbum. Aliis etiam rationibus hoc ipsum comprobatur q. 27. art. dum de verbo erit sermo.

Eadem prior pars conclusionis confirmatur ex Anselmo Monolog. i. vbi nulla ratione dicit posse negari ex cogitatione imaginem nasci, in cogitationem ipsam esse imaginem: nomine autem cognitionis intellectus notitiam ipsam & verbum, eo quod illa tamquam termino cognitionis cognoscamus & cogitemus. Aug. etiam 4. de Trinitate cap. 17. ait, tunc perfecta futuram esse Dei similitudinem in mente, quando Dei perfecta erit visio. Atamen Aug. eo in loco pertrahens illud: Ioann. c. 3. Similes ei erimus, quoniam videbimus eum scuti est, non videtur assertere visionem diuinæ essentiae esse imaginem rerum, iuxta eum sensum, de quo loquimur hoc loco: sed illud tantum vult dicere, mentem nostram per se esse similem futuram Deo, quatenus si ut ipse si ipsum videt, arque seipso fruatur, ita etiam mens nostra eum tunc videbit, eoque perfuerit. Atque hic videtur legitimus sensus verborum Ioannis: o vero quod vitio ipsa sit imago & species essentiae diuinæ, quæ videtur. Possunt etiam exponi, si maius, de similitudine per participationem luminis glorie, ut hoc loco ad primum exponit D. Thomas.

Verum obiectum aliquis aduersus hanc priorem partem conclusionis, quod si beati diuinam essentiam intuendo formarent verbum, sequeretur visionem non fere immediate in diuinam essentiam, sed mediatis, mediante scilicet verbo, quod producunt, & in quo intuuntur diuinam essentiam.

Refutatio.
Verba non est
in cognita
Molina in D. Thom.

A sermo si de medio, quod sit ratio cognoscendi tamquam terminus ex visione productus. Verbum enim non concurrat ad cognitionem rei obiectæ tamquam quid cognitum, in quo videlicet, vel per quod cognoscatur ulterius obiectum, sed tamquam ratio cognoscendi & terminus cognitionis necessarij exprimendus ad perceptionem obiecti. Itaque visio immediate ad diuinam essentiam tamquam ad rem visam terminatur: ad verbum autem non tamquam ad rem visam, sed tamquam ad rem ipsa visionis per se genitam, & omnino necessariam ut talis visio esse possit.

Posterior pars conclusionis probatur, quia si verbum & imago expressa, quam formant beati, representaret adæquare diuinam essentiam, utique representaret infinitè, per eamque comprehendendi posset diuina essentia, quod fieri non posse inferius ostendemus. Sicut ergo beati per visionem finitè vident obiectum infinitum: ita per eam præducunt imaginem & verbum, quod finitè representat obiectum infinitum: pro quantitate namque luminis gloriae exprimitur magis minusve clara imago diuinæ essentiae: numquam tamen adeò clara exprimitur, ut tantum diuinam essentiam manifester, quantum cognitione penetrari potest.

Secunda conclusio. Beati re ipsa non vident per speciem impressam diuinam essentiam, sed per ipsam essentiam diuinam, que vicem subit speciei intelligibilis. Hac est communis inter Scholasticos, licet contrarium defendat Richardus in 4. d. 14. artic. i. q. 3. cum quibusdam aīis relatis ab eo, & à Durando in 4. dist. 49. q. 2. Probatur conclusio, quoniam cum essentia diuina sit immediatè coniuncta cum intellectu beati, recte ut possit in visione beatifica fungi munere Speciei intelligibilis, superflue poneretur alia species: quandoquidem melius per se ipsam, quam per speciem superadditam, valeat exprimere imaginem sui.

Peter aliquis, utrum diuina saltem potentia esse possit visio diuinæ essentiae sine concursu essentiae diuina subveniunt vicem speciei intelligibilis, & sine quacumque alia specie impressa. Dicendum est, prout dubium posse. Cum enim concursus ille sit in genere efficientis, Deus optimè poterit illum suppleri, & producere visionem sine concursu speciei intelligibilis, aut sua essentia, quæ loco speciei intelligibilis concurrat.

Tertia conclusio. Vero, ut est quid distinctum à verbo, non est imago obiecti, sed actio, qua producitur & exprimitur talis imago. Hæc probatur, quoniam superflue poneretur talis imago praeter verbum, aut verbum ultra eam imaginem. Omnes tamen, ut credo, qui dicunt visionem, aut intellectionem esse imaginem, nomine visionis, & intellectionis, verbum ipsum intelligunt. Verum existimo intellectionem proprie loquendo, non esse verbum, sed esse actionem formaliter distinctam à verbo, qua vitaliter producitur verbum ipsum.

Quamvis autem vtroque intelligamus: intellectione tamen intelligimus, ut quedam actio est, verbo autem non, nisi ut termino per se requisito ad actionem, ac intellectionem. Moueorautem, quoniam, si Deus, absque alterius opere, exprimeret in mente mea verbum, intellectu meo ad id efficienter minimè concurrente (quod non video implicare contradictionem) aut si verbum à me ipso producendum conservaret sine viro meo concursu in genere causa efficiens, planè per tale verbum non intelligerem: quippe cum intelligere sit operatio vitalis: tunc autem nulla esset operatio vitalis, quæ

per cogniti-
vēs, sed termi-
nus necessa-
rīo per eam
productus.

Seconda con-
clusio.
Beati nō per
speciū impres-
sam, sed per
essentiā ipsā
coniunctam
in star specie
intuuntur
diuinam
essentiam.

Beati diuina
potentia in-
tueri possunt
Deū sine spe-
cie & sine co-
cursu essentiā
in ratione
speciei.

Tertia con-
clusio.
Beatisca vi-
sio nō sit ima-
go obiecti sed
actio per quā
exprimitur
imago.

ab intellectu meo emanaret, & à qua dicaret intelligere: sed esset actio dumtaxat diuina, quæ me ipsum non posset denominare: eò quod actio solum denominat id, à quo emanat: sed denominaret Deum, non quidem intelligentem, quoniam per talam productionem verbi ad extra non intelligeret, sed producentem verbum. Per verbum igitur non dicimus intelligere tamquam per intellectionem, sed tamquam per terminum intellectionis & actionis, quæ vitaliter exprimitur, & à qua formaliter dicimus intelligere.

Quarta conclusio.
Species impressa, qua videatur diuina essentia, esse potest diuina potest.

Ad rationem Torres, & Sotis, Beatis- cæ visionem parcialiter offici à causa creatæ nō est absurdum.

Psalm. 83.

Ad id quod Sotus addit.

Species impressa nō tam cū obiecto, quam cū potentia, debet habere proportionem.

Quarta conclusio. Haec tenus non video rationem, quæ mihi persuadeat, diuina potentia esse nō posse speciem impressam, quæ clare possit conspiciri diuina essentia: quare id non videtur negandum, maximè cùm admittatur species expressa. Cui tamen placuerit aliqua carum rationum, quæ reddi confuerunt, aut aliqua alia de nouo ei affulserit, quæ sit persuadeat eam nulla ratione esse posse, id defendat. Conclusio hæc satis confirmabitur, si rationes D. Thomæ, atque nonnullas alias, quæ adduci confuerunt, dissolvamus.

Ad rationem ergo, quam Sotus & Torres afferunt, quia videlicet, si daretur species impressa, illa posset efficienter concurrere ad productionem visionis diuinae essentiae, ac proinde res creatæ posset, ut causa efficiens facere aliquem beatum, diendum est, nullum esse absurdum, rem creatam efficienter concurreat ad visionem beatificam, imò ipsosinet teneri id confiteri, tam in lumine gloriae, quam in potentia ipsa intellectus, quæ efficienter concurrent ad visionem diuinae essentiae, ut videbimus articulo 5. Quod autem dicitur, beatitudinem esse a solo Deo, iuxta illud Psalmi, *Gratiā & gloriā dabit Dominus, intelligentium est,* tamquam ab auctore beatitudinis, & tamquam à causa prima & principali, quæ confert supernaturaliter principia ad eliciendam visionem, simulque concurreat etiam in media est instar speciei intelligibilis. Tribuit etiam nostra beatitudo Deo tamquam obiecto immediato, cuius aspectu beamur. Ad exemplum vero, neganda est similitudo: quoniam excoxitari nequit causa secunda, quæ via sua producat gratiam nos autem ostendimus nullam esse implicacionem contradictionis, quod detur species impressa diuina essentiae, quæ tamē suapte natura habet efficienter concurreat ad visionem diuinae essentiae. Præterea, contra ipa esse lumen gloriae, quod iuxta probabilem, atque ipsorummet contra quos disputamus sententiam, concurret efficienter ad visionem diuinae essentiae, & de intellectu etiam etiam ostendemus articulo quinto, affirmantq; idem auctores, contra quos disserimus.

Ad id vero, quod Sotus addit, respondeo primò. Quod licet species illa secundum rationem entis haberet esse receptum, ac proinde esset illa ratione, non simpliciter, sed quodammodo & improprie materialis in representando, id tamē non haberet ex ea parte, quæ representaret esse omnino non receptum & immateriale, nempe esse diuinum. Negamus præterea (quæ solutio magis placet) speciem magis materialem non posse supplere vicem obiecti minus materialis.

Ratio vero est, quoniam species, ut per eam cognoscatur obiectum, non debet habere proportionem quoad esse spirituale cum obiecto, cuius vicem subit, sed cum potentia, quæ ab ea informata obiectum percipere debet: species enim visibilis, per quam color debet videri, non est necesse, ut proportionem habeat cum colore quoad esse spi-

A rituale, sed comparatione porciūa videndi: unde quia color nō habet debitam proportionem comparatione illius, eò quod sit nimis corporeus & materialis, species, per quā debet videri, debet esse magis spiritualis quam color, vt sit apta potentiae. Quamuis ergo Deus secundum se propter suam infinitam, vt ita dicam, spiritualitatem, non habeat aptam proportionem vi à mentibus nostris conspiciatur, ideoq; lumine gloriae eas perfundi oportet, fieri tamen potest, vt species minus spiritualis, quam Deus ipse, eam proportionem habeat comparatione nostrarum mentium, vt supplet vicem rei obiecta, Deumque ita menti nostræ repræsentet, vt eum perspicue intueri valeamus. Adeo, quod species inferior obiecto quoad esse spirituale, in quo representatur, si modo sit accommodata potentiae cognoscendi, licet non posset supplere vicem obiecti, vt cognoscatur quantum ex cognosci potest, supplere tamen posset, vt videtur inadæquat, quomodo Deus a beatis conspiciatur.

Ad primam verò rationem D. Thomæ dicendum est, superiora non posse cognosci per similitudines rerum inferioris ordinis, vt per specie, quæ representat corpus, non posse Angelum cognoscit quidditatim, quia corpus non potest nos ducere in cognitionem quidditatiā substantia spiritualis: attamē per species inferioris ordinis in ratione entis, non negare D. Dionysium posse cognoscit superiora. Omnis namque species, quæ cognoscimus, in ratione entis est accidentis, & tamen per alias à nobis cognoscuntur substantia, quæ sunt res superioris ordinis in ratione entis. Angeli etiā inferiores per suas species, quæ sunt inferioris ordinis in ratione entis, intuentur Angelos superiores: quoniam non repugnat rō inferioris ordinis in ratione entis representare rem superioris ordinis. Ad argumentū ergo in forma neganda est consequentia: quoniam species creatæ representare potest essentiam diuinam, licet sit inferioris ordinis in ratione entis.

Ad secundā negandā est consequentia: quoniam licet creatæ species non sit suum esse subsistens, representare tamen potest esse diuinum subsistens.

Ad tertiam dicendum est, solum ea ratione probari, in nulla specie creatæ posse representari essentiam diuinam infinitè & quantum ex se representari valet, ac proinde per nullam speciem creatam posse comprehendendi, quod libenter concedimus: non vero probari, non posse representari finitè, ita ut per illam essentia diuina finitè videri possit. Ex his quæ dicta sunt intelliges, non esse necessariam adequationem seu æquitatem inter speciem & rem obiectam, vt per illam res obiecta videri possit, quod tamen vult Ferrariensis 3, contra gentes, cap. 45. id ramen opus est vt res obiecta per speciem valeat comprehendendi, viderive quantum ex se est apta nata videri.

DISPUTATIO IV.

F *Quoniam modo essentia diuina veniatur cum intellectu beati ad eliciendam visionem beatificam.*

H Ec quæstio excitatur circa responsionē ad 3. D. Thomæ: de qua disputant Caisterianus hoc loco, Ferrariensis 3, contra gentes, cap. 51. & Sotus in 4. dist. 49. q. 2. articulo 3. Ut vero quid rei veritas habeat paucis explicemus, sciendum est, speciem impressam, quæ, quia similitudo est obiecti, supplet vicem illius, efficienterque concurreat cum potentia cognoscendi.

Ad primam rationem D. Thomæ. Species intellegibiles inferioris ratione entis representante posse sunt quidditatiā res superioris ordinis, etiam Deum.

Ad secundam.

Ad tertiam.